



傷寒論註卷之三

南陽 張機 仲景原文

慈谿 柯琴 韵怡編註

崑山 馬中驥 續北較訂

陽明脈證上

陽明之爲病胃家實也

陽明爲傳化之府當更實更虛食入胃實而腸虛食下腸實而胃虛若但實不虛斯爲陽明之病根矣胃實不是陽明病而陽明之爲病悉從胃實上得來故以胃家實爲陽明一經之總綱也然致實之由最宜

詳審有實于未病之先者有實于得病之後者有風  
寒外束熱不得越而實者有妄汗吐下重亡津液而  
實者有從本經熱盛而實者有從他經轉屬而實者  
此只舉其病根在實而勿得以胃實爲可下之症  
按陽明提綱與內經熱論不同熱論重在經絡病爲  
在表此以裡証爲主裡不和卽是陽明病他條或有  
表証仲景意不在表或兼經病仲景意不在經陽明  
爲闔凡裡証不和者又以闔病爲主不大便曰闔也  
不小便亦闔也不能食食難用飽初欲食反不能食  
皆闔也自汗出盜汗出表開而裡闔也反無汗

皆鬪也種種鬪病或然或否故提綱獨以言胃者  
胃實不是竟指燥屎堅鞭只對下利言下利是胃者  
不實矣故汗出解後胃中不和而下利者便不屬陽  
明病如胃中虛而不下利者便屬陽明卽初鞭後溏  
者總不失爲胃家實也所以然者陽明太陰同處中  
州而所司各別胃司納故以陽明主實脾司輸故以  
太陰主利同一胃府而分治如此是二經所由分也  
問曰陽明病外證云何答曰身熱汗自出不惡寒反惡  
熱也

陽明主裡而亦有外証者有諸中而形諸外非另有

外証也。胃實之外見者，其身則蒸蒸然裡熱熾而達于外與太陽表邪發熱者不同。其汗則濺濺然從內溢而無止息與太陽風邪爲汗者不同。表寒已散故不惡寒，裡熱閉結故反惡熱。只因有胃家實之病根，卽見身熱自汗之外証。不惡寒、反惡熱之病情，然此但言病机發現非即可下之証也。宜輕劑以和之。必讞語潮熱、煩躁、脹滿諸証兼見，纔爲可下。

四証是陽明外証之提綱，故胃中虛冷亦得稱陽明病者，因其外証如此也。

陽明病脉浮而緊者必潮熱發作，有時但浮者必盜汗。

出

陽明脈証與太陽脈証不同。太陽脈浮緊者必身疼  
痛無汗惡寒發熱不休此則潮熱有時是惡寒將自  
罷將發潮熱時之脉也此緊反入裡之謂不可拘緊  
則爲寒之說矣太陽脈但浮者必無汗今盜汗出是  
因于內熱且與本經初病但浮無汗而喘者不同又  
不可拘浮爲在表之法矣脈浮緊但浮而不合麻黃  
症身熱汗出而不是桂枝証麻桂下咽陽盛則斃耳  
此脉從經異非脉從病反要知仲景分經辨脉勿專

據脉談証

傷寒三日陽明脉大

脉大者兩陽合明內外皆陽之象也陽明受病之初病爲在表脉但浮而未大與太陽同故亦有麻黃桂枝証至二日惡寒自止而反惡熱三日來熱勢太盛故脉亦應其象而洪大也此爲胃家實之正脉若小而不大便屬少陽矣

內經云陽明之至短而濶此指秋金司令之時脉又曰陽明脉象六浮也此指兩陽合明之病脉

脉浮而大心下反軟有熱屬藏者攻之不令發汗風府者不令洩數洩數便軟汗多則熱愈汗少則便難脉遲

尚未可攻

此治陽明之大法也陽明主津液所生病津液乾則  
胃家實矣津液致乾之道有二汗多則傷上焦之液  
溺多則傷下焦之液一有所傷則大便硬而難出故  
禁汗與溲夫脉之浮而緊浮而緩浮而數浮而遲身  
皆不可攻而可汗此浮而大反不可汗而可攻者以  
爲此陽明三日之脉當知大爲病進不可拘浮爲在  
表也心下者胃口也心下硬已見胃癩之一班以表  
脉不當見裡証故曰反癩耳有熱屬藏是指心肺有  
熱不是竟指胃實攻之是攻其熱非攻其實卽與黃

苓湯微其熱之義也不令者禁止之辭便見漏心之意上焦得通津液自下胃氣因和耳屬府指膀胱亦不指胃膀胱熱故洩數不今處亦見當滋陰之義矣屬府是陪說本條重在藏熱汗多旬直接發汗句來蓋汗爲心液汗出是有熱屬藏之徵也所以不令發汗者何蓋汎出多津液亡而火就燥則愈熱而大便難卽汁出少亦未免便軟而難出故利于急攻耳仲景治陽明不患在胃家實而患在藏有熱故急于攻熱而緩以下其實禁汗與浸所以有其津正以和其實耳然證有虛實脉有真假假令脉遲頓非藏實是

浮大皆爲虛脉矣仲景特出此句正發明心下鞢一  
証有無熱屬藏者爲妄攻其熱者禁也其慎密如此  
陽明病心下鞢滿者不可攻之攻之利遂不止者死利  
止者愈

陽明証具而心下鞢有可攻之理矣然鞢而尚未滿  
是熱邪散漫胃中尚未乾也妄攻其熱熱去寒起移  
寒于脾實反成虛故利遂不止也若利能自止是其  
人之胃不虛而脾家實腐穢去盡而邪不留故愈○  
上條熱既屬藏利干急攻所以存津液也此條熱邪  
初熾禁其妄攻所以保中氣也要知腹滿已見太陰

一班陽明太陰相配偶胃實則太陰轉屬於陽明胃虛則陽明轉屬於太陰矣此仲景大有分寸處診者大宜着眼

傷寒嘔多雖有陽明証不可攻之

嘔多是水氣在上焦雖有胃實証只宜小柴胡以通液攻之恐有利遂不止之禍要知陽明病津液未亡者慎不可攻蓋腹滿嘔吐是太陰陽明相關証胃實胃虛是陽明太陰分別處胃家實雖變証百出不失爲生陽下利不止參附不能挽回便是死陰矣

陽明病自汗出若發汗小便自利此爲津液內竭大便

雖鞶不可攻之當須自欲大便宜密煎導而通之若土  
瓜根及與大猪膽汁皆可爲導

本自汗更發汗則上焦之液已外竭小便自利則下  
焦之液又內竭胃中津液兩竭太便之鞶可知雖鞶  
而小便自利是內實而非內熱矣蓋陽明之實不患  
在燥而患在熱此內旣無熱只須外潤其燥耳連用  
三自字見胃實而無變証者當任其自然而不可妄  
治更當探苦欲之病情于欲大便時因其勢而利導  
之不欲便者宜靜以俟之矣此何以故蓋胃家實固  
是病根亦是其人命根禁攻其實者先慮其虛耳

陽明病本自汗出醫更重發汗病已差尚微煩不了了者此必大便鞕故也以亡津液胃中乾燥故令大便鞕當問其小便日幾行若本小便日三四行今日再行故知大便不久出今爲小便數少以津液當還入胃中故知不久必大便也

治病必求其本胃者津液之本也汗與瀥皆本于津液本自汗出本小便利其人胃家之津液本多仲景提出亡津液句爲世之不惜津液者告也病差指身熱汗出言煩卽惡熱之謂煩而微知惡熱將自罷以尚不了故大便鞕耳數少卽再行之謂大便鞕小便

少皆因胃亡津液所致不是陽盛于裡也因胃中乾燥則飲入于胃不能上輸于肺通調水道下輸膀胱故小便反少而遊溢之氣尚能輸精於脾津液相成還歸于胃胃氣因和則大便自出更無用導法矣以此見津液素盛者雖亡津液而津液終自還正以見胃家實者每躊躇顧慮示人以勿妄下與勿妄汗也歷舉治法脉遲不可攻心下滿不可攻嘔多不可攻小便自利與小便數少不可攻總見胃家實不可攻証

蜜煎方 蜜七合

右一味于銅器內煎凝如餚狀攬之勿令焦著欲可

丸併手捻作挺令頭鏡大如指長二寸許當熱時急  
作冷則硬以內穀道中欲大便時乃去之

猪膽汁方 大猪胆一枚瀉汁加醋少許以灌穀道中  
如一食頃當大便出宿食惡物甚效

問曰病有得之一日不發熱而惡寒者何也答曰雖得  
之一日惡寒將自罷卽自汗出而惡熱也

陽明受病當二三日發上條是指其已發熱言此追  
究一日前未發熱時也初受風寒之日尚在陽明之  
表與太陽初受時同故陽明亦有麻黃桂枝証二日  
來表邪自罷故不惡寒寒止熱熾故汗自出而反惡

熱兩陽令明之象見矣陽明病多從他經轉屬此因  
本經自受寒邪胃陽中發寒邪卽退反從熱化故耳  
若因亡津液而轉屬必在六七日來不在一二日間  
本經受病之初其惡寒雖與太陽同而無頭項強痛  
爲可辨卽發熱汗出亦同太陽桂枝症但不惡寒反  
惡熱之病情是陽明一經之樞紐○太經受邪有中  
面中膺之別中面則有目疼鼻乾邪氣居高卽熱反  
勝寒寒邪未能一日遞止此中于膺部位近于胃故  
退寒最捷

問曰惡寒何故自罷答曰陽明居中土也萬物所歸無

所復傳始雖惡寒二日自止此爲陽明病也

太陽病八九日尚有惡寒証若少陽寒熱往來三陰惡寒轉甚非發汗溫中何能自罷惟陽明惡寒未經表散卽能自止與他經不同始雖惡寒二句語意在陽明居中句上夫知陽明之惡寒易止便知陽明爲病之本矣胃爲戊土位處中州表裡寒熱之邪無所不歸無所不化皆從燥化而爲實實則無所復傳此胃家實所以爲陽明之病根也

○右論胃實証

問曰太陽緣何而得陽明病答曰太陽病若發汗若下